

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30



浙江圖書館

deli得力 No. 6230



浙江圖書館

禮記集說卷之六

月令第六

呂不韋集諸儒著十二月紀名曰呂氏春秋篇首皆有月令言十二月政令所行也
本月用夏正令則雜舉三代及秦事禮家記事者抄合為此篇

孟春之月日在營室昏參中旦尾中

孟春夏正建寅之月也營室在亥。娵訾之次也昏時參星在南方之中。旦則尾星在南方之中。○疏曰。月令昏明中星皆大畧而言。不與曆同。但一月之內有中者。即得載之。二十八宿星體有廣狹。相去有遠近。或月節月中之日昏明之時。前星已過於午。後星未至正

南。又星有明暗。見有早晚。所以昏明之星。不可正依曆法。但舉大畧耳。

其日甲乙

春於四時屬木。日之所繫。十干循環。獨言甲乙者。木之屬也。四時皆然。

其帝太皞。其神句芒。

句芒

太皞伏羲。木德之君。句芒少皞氏之子。曰重。木官之臣。聖神繼天立極。生有功德於民。故後王於春祀之。四時之帝與神皆此義。

其虫蠱鱗。其音角律中。

去聲

太簇。

七寇反

其

數八。其味酸。其臭羶。其祀戶。祭先脾。

鱗蟲木之屬五聲角爲木。單出曰聲。雜比曰音。調樂於春。以角爲主也。律者候氣之管。以銅爲之。或云竹爲之中。猶應也。太簇寅律。長八寸。陰陽之氣距地面各有淺深。故律之長短如其數。律管入地。以葭灰實其端。其月氣至。則灰飛而管通。是氣之應也。夫三生木。地八成之。其數八。成數也。通於鼻者謂之臭。臭即氣也。在口者謂之味。酸羶皆木之屬。戶者人所出入。司之有神。此神是陽氣在辰之內。春陽氣出。故祀之。祭先脾者木克土也。○蔡邕獨斷曰。戶。春爲少陽。其氣始出生。養祀之於戶。祀戶之禮。南面設主於門內之西。

東風解凍。蟄蟲始振。魚上。上聲。冰。獺祭。

魚鴻鴈來。

此記寅月之候。振動也。來自南而北也。

天子居青陽左个

青陽左个。註云太寢東堂北偏也。疏云是明堂北偏。而云太寢者。明堂與太廟太寢制同。北偏者。近北也。四回旁室謂之个。○朱子曰。論明堂之制者。非一。竊意當有九室。如井田之制。東之中為青陽。太廟東之南為青陽。右个。東之北為青陽。左个。南之中為明堂。太廟南之東。即東之南。為明堂。左个。南之西。即西之南。為明堂。右个。西之中為總章。太廟西之南。即南之西。為總章。左个。西之北。即北之西。為總章。右个。北之中。為玄堂。太廟北之東。即東之北。為玄堂。右个。北之西。即西之北。為玄堂。左个。中為太廟。太室。凡四方之太廟。異方

所。其左右个。則青陽左个。即玄堂之右个。青陽右个。即明堂之左个。明堂右个。即總章之左个。總章之右个。乃玄堂之左个也。但隨其時之方位開門耳。太廟太室。則每季十八日。天子居正殿。古人制事多用井田遺意。此恐然也。

乘鸞路。駕倉龍。載戴青旂。衣去聲青衣。

服倉玉。食夾麥與羊。其器䟽以達。

鸞路。有虞氏之車。有鸞鈴也。春言鸞。則夏秋冬皆鸞也。夏云朱。冬云玄。則春青秋白可知。倉與蒼同。馬八又以上為龍。服玉冠冕之飾。及佩也。麥以金玉而生。火玉而死。當屬金而鄭云屬木。兗為羊。當屬金。而鄭云火畜皆不可。疏云。鄭本五行傳言之。然陰陽多塗。不

可一定。故今於四時所食及菹嘗麥雞嘗黍之類皆略之。以俟知者。疏以達者。春物將貫土而出。故噐之刻鏤者。使文理麤疏直而通達也。

是月也。以立春。先去聲立春三日。太史

謁之。天子曰。某日立春。盛德在木。天

子乃齊。齋立春之日。天子親帥三公

九卿諸侯大夫。以迎春於東郊。還旋

反。賞公卿大夫於朝。命相去聲布德和

令。行慶施惠。下及兆民。慶賜遂行。出

有不當

去聲

謂告也。春為生。天地生育之盛德在於木位也。迎春東郊祭太皞。句芒也。後倣此推之。○疏曰。節氣有早晚。是月者。謂是月之氣。不謂是月之日也。

乃命太史守典奉法司天日月星辰

之行宿離

去聲

不貸。或毋失經紀。以初

為常

宿猶止也。離猶行也。言占候躔次不可差貸。貸與或同。經紀者。天文進退遲速之度數也。初者。曆家推步之舊法。以此為占候之常也。

是月也。天子乃以元日祈穀于上帝。
乃擇元辰。天子親載耒耜，措之于參
保介之御，問帥三公，九卿諸侯大夫
躬耕帝籍。天子三推，吐回反三公五推。
卿諸侯九推，反執爵于太寢。三公九
卿諸侯大夫皆御，命曰勞，去聲酒。

元日。上辛也。郊祭天而配以后稷為祈穀也。
元辰。郊後吉日也。日以干言。辰以支言。互文
也。參。參乘之人也。保介。衣甲也。以勇士為車
右而衣甲御者。御車之人也。車右及御人皆

是參乘。天子在左，御者居中，車右在右。以三人故曰參也。置此耕器於參乘，保介及御者之間。天子籍田千畝，收其穀為祭祀之粢。盛故曰帝籍。九推之後，庶人終之。友而行燕禮。群臣皆侍。士賤不與耕。故亦不與勞。酒之賜也。

是月也。天氣下降，地氣上騰。天地

上聲

和同。草木萌動。王命布農事。命田舍

東郊。皆脩封疆。審端徑術。遂善相去聲

丘陵阪反。險原隰習。土地所宜。五穀

所殖。以教道民。必躬親之。田事既飭。

先定準直。農乃不惑。

田。田峻也。舍居也。天子命田峻居東郊以督耕者。若使脩理其封疆。謂井田之限域也。步道曰徑。術與遂同。田之溝洫也。審而端之。使無迂壅。封疆有界限。徑術有闊狹。土地有高下。五種有宜否。若頃田峻躬親教飭。之以定其準直。則農民無所疑惑也。

是月也。命樂正入學。習舞。

教學者以習舞之事。

乃脩祭典。命祀山林川澤。犧牲毋用

牝

不欲傷其生育

禁止伐木

以盛德在木也

毋覆巢。毋殺孩蟲。胎夭。鳥老飛鳥。毋

麇。毋卵。毋聚大衆。毋置城郭。掩骼。格

埋。鬻。漬

孩蟲。蟲之稚者。胎未生者。夭。方生者。飛鳥。初學飛之鳥。麇。獸子之通稱。鬻。骨之尚有肉者。

是月也。不可以稱兵。稱兵必天殃。兵

戎不起不可從我始毋變天之道毋

絕地之理毋亂人之紀

天地大德曰生春者生德之盛時也兵凶器
戰危事不得已而禦寇猶可也兵自我起以
殺戮之心逆生育之氣是變易天之生道斷
絕地之生理而紊亂生人之紀叙矣其殃也
宜哉

孟春行夏令則雨水不時草木蚤落

國時有恐

此巳火之氣所泄也言人君於孟春之月而
行孟夏之政令則感召咎證如此後皆倣此

○疏曰孟月失令。則三時孟月之氣乘之。仲月失令。則仲月之氣乘之。季月失令。則季月之氣乘之。所以然者。以同為孟仲季。氣情相通。如其不和。則迭相乘之。

行秋令

謂孟秋之令

則其民大疫。焱

標

風暴雨總至。藜莠

有蓬蒿並興

此申金之氣所傷也。爾雅扶搖謂之焱風。謂風之回轉也。藜莠蓬蒿並興者。以生氣逆亂。故惡物乘之而茂也。

行冬令

謂孟冬之令

則水潦為敗。雪霜大摯。至首種。上不

入

此亥水之氣所淫也。摯。傷折也。與摯獸驚蟲之義同。百穀惟稷先種。故云首種。

仲春之月。日在奎。昏弧中。旦建星中。

奎宿在戌。降婁之次。○疏曰。餘月昏旦中星皆舉二十八宿。此云弧與建星者。以弧星近井。建星近斗。井斗度多星體廣。不可的指。故舉弧建以定昏旦之中。

卷之六 七

其日甲乙。其帝太皞。其神句芒。其蟲鱗。其音角。律中夾鍾。其數八。其味酸。其臭羶。其祀戶。祭先脾。

夾鍾。卯律。長七寸二千一百八十七分寸之千七十五。

始雨水。桃始華。倉庚鳴。鷹化為鳩。

此記卯月之候。倉庚。鸚黃也。鳩。布谷也。王制言鳩化為鷹。秋時也。此言鷹化為鳩。以生育氣盛。故鷲鳥感之而變耳。孔氏云。化者。反歸舊形之謂。故鷹化為鳩。鳩復化為鷹。如田鼠化為鴽。則鴽又化為田鼠。若腐草為螢。雉為蜃。爵為蛤。皆不言化。是不再復本形者也。

天子居青陽太廟。乘鸞路。駕倉龍。載青旂。衣青衣。服倉玉。食麥與羊。其器䟽以達。

青陽太廟東堂當大室

是月也。安萌芽。養幼少。存諸孤。

生氣之可見者。莫先於草木。故首言之。安。謂無所摧折之也。存。亦安也。

擇元日。命民社。

令民祭社也。郊特牲言祭社用甲日。此言擇元日。是又擇甲日之善者歟。召誥社用戊日。

命有司省

息井反

圜

零

圜

語去聲

桎梏

毋肆掠

亮止獄訟

館

圜。牢也。圜。止也。疏云。周曰圜土。殷曰羑里。夏曰鈞。堊。圜。秦獄名也。在手曰桎。在足曰梏。皆木械。肆。陳尸也。掠。捶治也。止。謂論使息爭也。

是月也。玄鳥至。至之日。以太牢祠于

高禘

梅

天子親往。后妃帥九嬪御。乃

禮。天子所御。帶以弓。鞬授以弓。矢于

高禘之前

玄鳥燕也。燕以施生時，巢人堂宇而生乳。故以其至為祠禱，祈嗣之候。高禘，先禘之神也。高者，尊之之稱。變媒言禘，神之也。古有禘氏，後除之，祀位在南郊。禋祀上帝，則亦配祭之。故又謂之郊禘。詩：天命玄鳥，降而生商。但謂簡狄以玄鳥至之時，祈于郊禘而生契。故本其為天所命，若自天而降下耳。鄭註：乃有墮卵吞孕之事，與生民詩註所言姜嫄履巨跡而生棄之事，皆恠妄不經，削之可也。后妃帥九嬪御者，從往而侍奉禮事也。禮，天子所御者，祭畢而酌酒以飲其先，所御幸而有娠者，顯之以神賜也。禘，弓衣也。弓矢者，男子之事也。故以為祥。

是月也。日夜分。

漸

晝夜各

五十刻

雷乃發聲始電蟄蟲咸動啓戶始出

謂始穿其
穴而出也

先去聲雷二日

以節氣言在
春分前三日

奮木鐸以令兆民曰雷將發聲有不

戒其容止者生子不備必有凶災

容止猶言動靜不戒容止謂房室之事褻瀆
天威也生子不備謂形體有損鑄凶災謂父

母

日夜分則同度量鈞衡石角斗角正

擢概

丈尺曰度。斗斛曰量。稱上曰衡。百二十斤為石。角斛也。擢稱鍾也。概執以平量器者。同則齊其長短。小大之制。鈞則平其輕重。之差。角則較其同異。正則矯其欺枉。

是月也耕者少上舍去乃脩闔扇寢

廟畢備母作大事以妨農之事

少舍暫息也。門戶之蔽。以木曰闔。以竹箒曰扇。凡廟前曰廟後曰寢。寢是衣冠所藏之處。

大事。謂軍旅之事。

是月也。毋竭川澤。毋漉陂池。毋焚

山林。

漉亦竭也。三者之禁。皆謂傷生意。

天子乃鮮。獻羔。開冰。先薦寢廟。

古者日在虛則藏冰。至此仲春。則獻羔以祭。司寒之神而開冰。先薦寢廟者。不敢以人之餘奉神也。

上丁

此月上旬之丁日必用丁者。
以先庚三日。後甲三日也。

命樂正習舞釋菜。天子乃帥三公九

卿諸侯大夫親往視之。仲丁又命樂

正入學習樂

樂正。樂官之長也。習舞釋菜。謂將教習舞者。則先以釋菜之禮告先師也。

是月也。祀不用犧牲。用圭璧。更平皮

幣

不用牲。謂祈禱小祀耳。如大牢祀高禖。乃大典禮。不在此限。稍重者。用圭璧。稍輕者。則以

皮幣更
易之也

仲春行秋令則其國大水寒氣總至

寇戎來征

酉金之氣
所傷也

行冬令則陽氣不勝麥乃不熟民多

相掠亮

子水之氣
所淫也

行夏令則國乃大旱煖氣早來蟲螟

浙 江 圖 書

為害

午火之氣所泄也。螟食苗心者

季春之月。日在胃。昏七星中。且牽牛

中

胃宿在酉。大梁之次也。七星。二卜八宿之星宿也。

其日甲乙。其帝太皞。其神句芒。其蟲

鱗。其音角。律中姑洗。蘇典反其數八。其

味酸。其臭羶。其祀戶。祭先脾。

姑洗辰律。長七寸九分寸之一。

桐始華。田鼠化為鴛。如虹始見。現萍

始生

此記辰月之候。鴛鴦鷓鴣之屬。

天子居青陽右个。乘鸞路。駕倉龍。載青旂。衣青衣服。倉王食麥與羊。其器䟽以達。

青陽右个。東堂南偏。

是月也。天子乃薦鞠衣于先帝。

鞠衣。衣色如鞠花之黃也。註云。黃桑之服者。色如鞠塵。象桑葉始生之色也。鞠字一音去。六反。先帝。先代木德之君。薦此衣于神坐。以祈蠶事。

命舟牧覆舟。五覆五反。乃告舟備具。

于天子焉。天子始乘舟。薦鮪。備于寢。

廟乃為去聲麥祈實。

舟牧。主乘舟之官。五覆五反。所以詳視其罅漏傾側之處也。因薦鮪。并祈麥實。

是月也。生氣方盛。陽氣發泄。旬旬者。

畢出萌者盡達不可以內

句屈生者萌直生者不可以內言當施散恩惠以順生道之宣泄不宜吝嗇閉藏也

天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮賢者

長無謂之貧窮暫無謂之乏絕振猶救也周濟其不足也在內則命有司奉行在外則勉諸侯奉行皆天子之德惠也

是月也命司空曰時雨將降下水上

上騰循行去聲國邑周視原野脩利隄

防道達溝瀆開通道路毋有障塞

司空掌邦土此皆其職也

田獵置嗟罟浮羅網畢翳噎餒於偽反

獸之藥毋出九門

置罟皆捕獸之罟羅網皆捕鳥之罟小網長柄謂之畢以其似畢星之形故名用以掩兔也翳射者用以自隱也餒嚼之也藥毒藥也七物皆不得施用於外以其逆生道也路門應門雉門庫門臯門城門近郊門遠郊門關門凡九門也

是月也。命野虞毋伐桑柘。鳴鳩拂其

羽。戴勝降于桑。具曲植。治籩。舉筐。

野虞。主田及山林之官。拂羽。飛而翼拍身也。戴勝。織紅之鳥。一名戴鵀。鵀即頭上勝也。此時恒在桑。言降者重之。若自天而下也。曲。薄也。植。植也。所以架曲與籩筐者。籩圓而筐方也。

后妃齊戒。親東鄉。躬躬桑。禁婦女毋

觀。省婦使。以勸蠶事。

東鄉。迎時氣也。躬桑。親自采桑也。禁婦女毋觀者。禁止婦女使不得為容觀之飾也。省婦使者。減省其箴線縫製之事也。此二者。皆為勸勉之使。盡力於蠶事也。

蠶事既登。分繭稱絲。效功以共。供郊

廟之服。毋有敢惰。

登。成也。分繭。分布於衆婦之繅者。稱絲。效功。以多寡為功之上下。

是月也。命工師。令百工。審五庫之量。

金。鐵。皮。革。筋。角。齒。羽。箭。幹。脂。膠。丹。漆。

毋或不良。

工師。百工之長也。五庫者。金鐵為一庫。皮革筋為一庫。角齒為一庫。羽箭幹為一庫。脂膠丹漆為一庫。視諸物之善惡。皆有舊法。謂之量。一說多寡之數也。審而察之。故云審五庫。

之量也。幹者諸器所用之木材也。

百工咸理。監平工日號。毋悖于時。毋

或作為淫巧以蕩上心。

此時百工皆各理治其造作之事。工師監臨之。每日號令。必以二事為戒。一是造作器物不得悖逆時序。如為弓必春液角。夏治筋。秋合三材。寒定體之類是也。二是不得為淫過奇巧之器。以搖動君心。使生奢侈也。

是月之末。擇吉日。大合樂。天子乃帥

三公九卿諸侯大夫親往視之。

鄭氏曰其禮亡

是月也乃合累平聲牛騰馬遊牝于牧。

犧牲駒犢舉書其數

春陽既盛物皆產育故合其累繫之牛騰躍之馬而遊縱之使牡者就牝者于芻牧之地欲其孳生之蕃也若其中犧牲之用者及馬之駒牛之犢皆書其數者以備稽校多寡也

命國難那九門磔責攘以畢春氣

難之事在周官則方相氏掌之裂牲謂之磔除禍謂之攘春者陰氣之終故磔攘以終畢厲氣也舊說大陵八星在胃北主死喪昂中有大陵積尸之氣氣佚則厲鬼隨之而行此

月初日在胃。從胃歷昴。故毆疫之事。當於此時行之也。九門說見上章。

季春行冬令。則寒氣時發。草木皆肅。

國有大恐

且土之氣所應也。肅者。枝葉減縮而急栗也。大恐。訛言相驚動也。舊說孟春有恐。是火訛以其行夏令也。此行冬令當致水訛。漢王商嘗止之矣。

行夏令。則民多疾疫。時雨不降。山陵

不收

未土之氣所應也。

浙

不言年言卷六
行秋令。則天多沈陰。淫雨蚤降。兵革並起。

戌土之氣所應也。不收。謂無所成遂也。

孟夏之月。日在畢。昏翼中。旦婺女中。

畢宿在申。實沈之次。

其日丙丁。其帝炎帝。

炎帝。大庭氏。即神農也。赤精之君。

其神祝融。

顓頊氏之子。名黎。火官之臣。

其蟲羽。其音徵。止律中中。仲呂。其數

七。其味苦。其臭焦。其祀竈。祭先肺。

羽蟲。飛鳥之屬。徵音屬火。中呂。已律。長六寸。萬九千六百八十二分寸之萬二千九百七十四。地二生火。天七成之。七者火之成數也。苦焦。皆火屬。夏祭竈。火之養人者也。祭先肺。火克金也。○蔡邕獨斷曰。竈。夏為太陽。其氣長養。祀竈之禮。在廟門外之東。先席于門奧。面東設主于竈。陔也。

螻蛄鳴。蚯蚓出。王瓜生。苦菜秀。

此記已月之候。王瓜。注云草摯。本草作菝葜。音同。謂之瓜者。以根之似也。亦可釀酒。○朱氏曰。王瓜色赤。感火之色而生。苦菜味苦。感火之味而成。

天子居明堂左个

太寢南
堂東偏

乘朱路。駕赤駟。載赤旂。衣朱衣服。

赤王。食菽與鷄。其噐高以粗。

駟。馬名。色淺者赤。色深者朱。用噐高而粗大。象物之盛長也。

是月也。以立夏。先立夏三日。太史謁

之天子曰某日立夏盛德在火天子
乃齋立夏之日天子親帥三公九卿
大夫以迎夏於南郊還反行賞封諸
侯慶賜遂行無不欣說悅

立春言諸侯大夫而此不言諸侯者或在或
否不可必同故畧之也迎夏南郊祭炎帝祝
也融

乃命樂師習合禮樂

以將飲
酌故也

命太尉贊祭俊遂賢良舉長大行爵

出祿必當

去聲其位

太尉秦官也。祭俊以才言贊則引而升之之謂賢良以德言。遂謂使之得行其志也。長大以力言。王制言執技論力舉謂選而用之也。當其位者爵必當有德之位。祿必當有功之位也。

是月也繼長增高母有壞性墮母起

土功毋發大衆毋伐大樹

長者繼之而使益長。高者增之而使益高。壞墮則傷已成之氣。起土功發大衆皆妨蠶農。

之事。故禁止之。伐樹則傷條達之氣。故亦在所禁。一說伐大木謂營宮室。

是月也。天子始緝。

緝。葛布之細者。

命野虞出行。

去聲。

田原。

去聲。

為天子勞。

去聲。

農勸民毋或失時。

失時謂失農時。

命司徒循行。

去聲。

縣鄙。

命農勉作毋休。

于都。

勉其興作於田野之內。禁其休息于都邑之間。皆恐其失農時也。

是月也驅獸毋害五穀。毋大田獵。

夏獵曰苗。正為驅獸之害禾苗者耳。與三特之大獵自不同。

農乃登麥。天子乃以晷嘗麥。先薦寢

廟

登升之於場也

是月也聚畜百藥。靡草死。麥秋至。

聚藥為供醫事也。靡草草之枝葉靡細者。陰類陽盛則死。秋者百穀成熟之期。此於時雖

夏於麥則秋
故云麥秋也

斷薄刑決小罪出輕繫

刑者上之所施。罪者下之所犯。斷者定其輕重而施刑也。決如決水之決。謂人以小罪相告者。即決遣之。不收繫也。其有輕罪而在繫者。則直縱出之也。

蠶事畢。后妃獻繭。乃收繭稅。以桑為均。貴賤長幼如一。以給郊廟之服。

后妃獻繭。謂后妃受內命婦之獻繭也。收繭稅者。外命婦養蠶亦用國比近郊之公桑。近郊之稅十一。故亦稅其繭十之一。其餘入已而為其夫造祭服。一說再命受服。服者公家

所給。故稅其十一者。為給其夫祭服也。受桑多。則稅繭多。少則稅亦少。皆以桑為均齊也。貴謂卿大夫之妻。賤謂士妻。長幼婦之老少也。如一。皆稅十一也。如廟之服。天子祭服也。

是月也。天子飲酎。用禮樂。

重釀之酒。名之曰酎。稠醲之義也。春而造。至此始成。用禮樂而飲之。蓋盛會也。

孟夏行秋令。則苦雨數。朔來。五穀不

滋。四鄙入保。

申金之氣。所泄也。

行冬令。則草木蚤枯。後乃大水。敗其

城郭

亥水之氣
所傷也

館

行春令。則蝗蟲為災。暴風來格。秀草

不實

圖

寅木之氣所淫也。以孟夏之月。而行孟秋孟
冬孟春之令。故感召災異如此。四鄙四面邊
鄙之邑也。保與堡同。小城也。入
保。入而依以為安也。格。至也。

仲夏之月。日在東井。昏亢。剛中。日危

中

東井在未。
鶉首之次。

其日丙丁。其帝炎帝。其神祝融。其虫
羽。其音徵。律中蕤賓。其數七。其味苦。
其臭焦。其祀竈。祭先肺。

蕤賓。午律。長六寸八
十一分寸之二十六

小暑至。螳螂生。鷓鴣反古。役始鳴。反舌無

聲

此記午月之候。小暑暑氣未盛也。螳螂。一名
蜥父。一名天馬。言其飛捷如馬也。鷓鴣。博勞也。

反舌。百舌鳥。凡物皆稟陰陽之氣而成質。其陰類者宜陰時。陽類者宜陽時。得時則興。背時則廢。疏又以反舌為蝦蟇。未知是否。

天子居明堂太廟。乘朱路。駕赤駟。載赤旂。衣朱衣。服赤玉。食菽與雞。其器

高以粗。

明堂太廟南堂當太室也

養壯佼

壯謂容體碩大者。佼謂形容佼好者。擇此類而養之。亦順長養之令。

是月也。命樂師脩鞀。鞀，逃鞀。駢，迷鼓。均

琴瑟管簫。執干戚戈羽。調竽笙箎。箎，池

簧。飭鍾磬。祝，反。昌六。敵，語。

凡十九物。皆樂器也。鞀，鞀鞀鼓三者。皆革音。鞀，即鼓也。鞀，所以裨助鼓節。琴瑟，皆絲音。管，簫皆竹音。管如箎而小。干戚戈羽，皆舞器。干，盾。戚，斧也。竽，笙箎。皆竹音。竽三十六簧。笙十三簧。箎，即箎也。長尺四寸。簧，笙之舌。蓋管中之金薄。鐸也。竽，笙箎。三者皆有簧也。鍾，金音。磬，石音。祝，敵。皆木音。祝如漆桶。敵，狀如伏虎。祝以合樂之始。敵以節樂之終。脩者，理其弊。均者，平其聲。執者，操持習學。調者，調和音曲。飭者，整治之也。以將用盛樂。雩祀。故謹備之。

命有司為去聲民祈祀山川百源大雩

帝用盛樂

山者水之源。將欲禱雨。故先祭其本源。三王祭川。先河後海。示重本也。雩者。吁嗟其聲以求雨之祭。周禮女巫。凡邦之大。裁歌哭而請亦其義也。帝者。天之主宰。盛樂。即鞀鞀以下十九物。並奏之也。

乃命百縣雩祀百辟卿士有益於民者以祈穀實

百縣。畿內之邑也。百辟。卿士。謂古者上公。句龍。后稷之類。

是月也。農乃登黍。天子乃以雛嘗黍。

羞以含桃。先薦寢廟。

今用登麥穀例移農乃登黍四字在是月也之下。舊註以內則之雛為小鳥。此雛為雞。未

詳孰是。含桃。櫻桃也。

令民毋艾。刈藍以染。

藍之色青。青者赤之母。刈之亦是傷時氣。

毋燒灰。

火之滅者為灰。禁之亦為傷火氣也。

毋暴步卜布

暴暴之於日也。布者陰功所成。不可以小功十盛陽也。

門閭毋閉

一則順時氣之宣通。一則使暑氣之宣散。

關市毋索

索者。搜索商旅匿稅之物。蓋當時氣盛大之際。人君亦當體之。而行寬大之政也。

挺重囚益其食

挺者。拔出之義。重囚禁繫嚴密。故特加寬假。輕囚則不如是。益其食者。加其養也。

游牝別

彼列反

羣則繫

執

騰駒班馬政

季春遊牝于牧。至此妊孕已遂。故不使同群。拘繫騰躍之駒者。止其踉蹙也。班。布也。馬政。

養馬之政令也。周禮圉人圉師所掌。

是月也。日長至。陰陽爭。死生分。

至。猶極也。夏至日長之極。陽盡午中。而微陰。眇重淵矣。此陰陽爭辨之際也。物之感陽氣。而方長者生。感陰氣而已成者死。此死生分判之際也。

君子齊戒。處必掩身。毋躁。止聲色。毋

或進。薄滋味。毋致和。

去聲

節者。

嗜

欲定。

心氣

齊戒以定其心。掩蔽以防其身。毋或輕躁於舉動。毋或御進於聲色。薄其調和之滋味。節其諸事之愛欲。凡以定心氣而備陰疾也。

百官靜事無刑以定晏伊見陰之所

成

刑陰事也。舉陰事則是助陰抑陽。故百官府刑罰之事皆止靜而不行也。凡天地之氣順則和。競則逆。故能致災咎。此陰陽相爭之時。故須如此謹備。晏安也。陰道靜。故云晏陰。及其定而至於成。則循序而往。不為災矣。是以未定之前諸事皆不可忽也。

鹿角解。駭蟬始鳴。半復生。木董謹祭。

此又言午月之候解脫也。

是月也。毋用火南方。

南方火位。又因其位而盛。其用則為微陰之害。故戒之。

可以居高明。可以遠眺望。可以升山

陵。可以處臺榭。

凡此皆順陽明之時。

中。夏行冬令。則電雹凍傷穀。道路不通。

暴兵來至

子水之氣
所傷也

行春令。則五穀晚熟。百騰特時起。其

國乃饑

卯木之氣
所淫也

行秋令。則草木零落。果實早成。民殃

於疫

酉金之氣所泄也。騰。食苗葉之蟲也。百騰者。言害稼之蟲非一類。

季夏之月。日在柳昏火中。旦奎中

柳宿在午。鶉火之次也。火。犬。火。心。宿。

其日丙丁。其帝炎帝。其神祝融。其虫
羽。其音徵。律中林鍾。其數七。其味苦。
其臭焦。其祀竈。祭先肺。

林鍾。未律。長六寸。

溫風始至。蟋蟀居壁。鷹乃學習。腐草
為螢。

此記未月之候。至極也。蟋蟀生於土中。此時
羽翼猶未能遠飛。但居其穴之壁。至七月則
能遠飛而在野矣。學習雜學數飛也。腐草得
暑濕之氣。故變而為螢。○朱氏曰。溫風。溫厚
之極。涼風。嚴凝之始。腐草為螢。
離明之極。故幽類化為明類也。

天子居明堂。右个。乘朱路。駕赤駟。載
赤旂。衣朱衣服。赤王。食菽與雞。其器

高以粗

明堂右个。南
堂西偏也。

命漁師伐蛟。取鼉。登龜。取鼈。元

蛟言伐以其暴惡不易攻取也。龜言
尊異之也。鼃言取易而賤之也。

命澤人納材葦

館

蒲葦之屬。生於澤中。而可為用器。故曰材。澤
人納之。職也。此皆煩細之事。非專一月所為
故不以是
月起之

是月也。命四監大合百縣之秩芻。以
養犧牲。令民無不咸出其力。以共供
皇天上帝。名山大川四方之神。以祠
宗廟社稷之靈。以為民祈福。

四監即周官山虞澤虞林衡川衡之官也。前
言百縣兼內外而言。此百縣鄉遂之地也。秩
常也。欵此芻爲養犧牲之
用各有常數。故云秩芻也。

是月也。命婦官染采。黼黻文章。必以
法。故無或差貸。一黑黃倉赤。莫不質
良。毋敢詐僞。以給郊廟祭祀之服。以
爲旗章。以別貴賤等給之度。

周禮典婦功典。染人等皆婦官。此指染人
也。白與黑謂之黼。黑與青謂之黻。青與赤謂
之文。赤與白謂之章。染造必用舊法。故事。毋
得有參差貸變。皆欲質正良善也。旗旌旂也。

章者畫其象以別名位也詳見春
官司常○石梁王氏曰給當為級

是月也樹木方盛命虞人入山行去聲

木毋有斬伐

以其方盛故也

不可以興土功不可以合諸侯不可

以起兵動眾毋舉大事以搖養氣毋

發令而待以妨神農之事也水潦盛

昌神農將持功舉大事則有天殃

大事即興土功。合諸侯起兵動衆之事。搖養氣謂動散長養之氣也。發令而待謂未及徭役之期而豫發召役之令使民廢已事而待上之會期也。神農農之神也。季夏屬中央土。土神得位用事之時謂之神農者。土神主成就農事也。東井主水在未故未月爲水潦盛昌之月。此時神農將主持稼穡之功。舉大事而傷其功。則是干造化施生之道矣。故有天殃也。

是月也。土潤溽暑。大雨時行。燒薶替

行水利以殺草。如以熱湯可以糞田

疇可以美土疆其兩反

溽。濕也。土之氣潤。故蒸鬱而為濕暑。大雨亦以之。而時行。皆東井之所主也。除草之法。先芟薙之。俟乾則燒之。燒薙者。燒所薙之草也。大雨既行於所燒之地。則草不復生矣。故云利以殺草。時暑日烈。其水之熱如湯。草之燒爛者。可以為田疇之糞。可以使土疆之美。凡土之磊塊難耕者。謂之疆。

季夏行春令。則穀實鮮。仙落

鮮潔而墮落也

國多風欬。苦代反

風欬。因風而致欬疾也。

浙江

民乃遷徙

辰土之氣
所應也

行秋令。則丘隰水潦。禾稼不熟。乃多

又災

妊孕多敗。戌土
之氣所應也

行冬令。則風寒不時。鷹隼筭蚤執鳥。四

鄙入保

丑土之氣
所應也

中央土

土寄旺四時各一十八日。共七十二日。除此
則木火金水亦各七十二日矣。土於四時無
乎不在。故無定位。無專氣。而寄旺於辰戌
未之末。未月在火金之間。又居一歲之中。故
特揭中央土一令於此。以成五行之序焉。

其日戊巳

戊巳。十
干之中

其帝黃帝

黃精之君。
軒轅氏也。

浙江圖

其神后土

土官之臣。顓頊氏之子黎也。句龍初為后土。後祀以為社。后土官闕。黎雖火官。實兼后土

也。舊說

如此

其蟲倮

力果反

人為倮蟲之長。鄭氏以為虎豹之屬

其音宮。律中黃鍾之宮

宮音屬土。又為君。故配之中央。黃鍾本十一月律。諸律皆有宮音。而黃鍾之宮。乃八十四調之首。其聲最尊而大。餘音皆自此起。如土為木。火金水之根本。故以配中央之土。土寄

旺於四時。宮音亦冠於十二律。非如十二月以候氣言也。

其數五

天五生土。地十成之。四時皆舉成數。此獨舉生數者。四時之物無土不成。而土之成數。又積水一火二木三金四以成十也。四者成。則土無不成矣。

其味甘。其臭香

甘香皆屬土

其祀中霤。祭先心

古者陶復陶穴。皆開其上以漏光明。故雨霤之。後因名室中為中霤。亦土神也。祭先心者。

心居中。君之象。又火生土也。○蔡邕獨斷曰。季夏土氣始盛。其祀中霤。霤神在室。祀中霤。設主于牖下。

天子居太廟太室

中央之室也

乘大路。駕黃駟。載黃旂。衣黃衣。服黃

玉。食稷與牛。其器圜。以閔。

圜者。象土之周匝。四時。閔者。寬廣之義。象土之容物也。

孟秋之月。日在翼。昏建星中。旦畢中。

翼宿在巳。鷄尾之次。建星說見仲春。

其日庚辛。其帝少皞。其神蓐收。其蟲毛。其音商。律中夷則。其數九。其味辛。其臭腥。其祀門。祭先肝。

少皞。白精之君。金天氏也。蓐收。金官之臣。少皞氏之子。該也。夷則。申律。長五寸七。百二十九分寸之四百五十一。九。金之成數也。辛。腥。皆屬金。秋陰氣出。故祀門。祭先肝。金克木也。
○蔡邕獨斷曰。門。秋為少陰。其氣收成。祀之於門。祀門之禮。北面設主于門左。樞。

涼風至。白露降。寒蟬鳴。鷹乃祭。鳥用。

始行戮

此記申月之候鷹欲食鳥之時。先殺鳥而不食。似人之食。而祭先代為食之人也。用始行

戮。順時令也。

天子居總章左个

太寢西堂南偏

乘戎路

兵車也

駕白駱

白馬黑鬣口駱

載白旂。衣白衣。服白玉。食麻與犬。其

噐廉以深

廉稜角也。亦矩之義。深則收藏之意。

是月也。以立秋。先立秋三日。太史謁之。天子曰。某日立秋。盛德在金。天子乃齊。立秋之日。天子親帥三公九卿。諸侯大夫以迎秋於西郊。還反賞軍。

帥

所類反

武人於朝。天子乃命將帥。

士厲兵。簡練桀俊。專任有功。以征不

義。誥

其吉反

誅暴慢。以明好

去惡

惡。順

彼遠方

圖

簡練簡擇而練習之也。專任有功。謂大將有已試之功。乃使之專主其事也。誥者問其罪。誅者戮其人。殘下謂之暴。慢上謂之慢。順服也。好惡明。則遠方順服。

是月也。命有司脩法制。繕圖圉。具桎

梏。禁止女姦。慎罪邪。務搏執。

繕治也。姦在人心。故當有以禁止之。邪見於行。故慎以罪之。務事也。搏。戮也。執。拘也。

命理瞻傷。察創。平。視折。哲。審斷。決獄。

訟必端平。戮有罪。嚴斷刑。

理。治獄之官也。傷者。損皮膚。創者。損血肉。折者。損筋骨也。嚴者。謹重之意。非峻急之謂也。

天地始肅。不可以羸。

朱氏曰。陽道常饒。陰道常乏。故贊化者。不可使陰氣之羸也。

是月也。農乃登穀。天子嘗新。先薦寢。

廟。命百官始收斂。完隄坊。防。謹壅塞。

以備水潦。脩宮室。圮垣牆。補城郭。

所以為水潦之備者。以月建在酉。酉中有畢星好雨也。

是月也。毋以封諸侯。立大官。

記者但知賞以春夏。刑以秋冬之義。不知古者嘗祭之時。則有出田邑之制。故注謂禁封諸侯。及割地。為失其義也。

毋以割地。行大使。出大幣。

以其遠收歛之令也。

孟秋行冬令。則陰氣大勝。介蟲敗穀。

戎兵乃來

此亥水之氣所泄也

行春令則其國乃旱

蟹有食稻者謂之稻蟹亦介蟲敗穀之類寅中箕星好風能散雲雨故致旱

陽氣復還五穀無實

寅木之氣所損也

行夏令則國多火災寒熱不節民多

虐疾

巳火之氣
所傷也

仲秋之月。日在角。昏牽牛中。旦觜。茲

觶 攜 中

角在辰。壽
星之次也

其日庚辛。其帝少皞。其神蓐收。其蟲
毛。其音商。律中南呂。其數九。其味辛。
其臭腥。其祀門。祭先肝。

南呂。酉律。長五
寸三分寸之一

盲風至。鴻鴈來。玄鳥歸。羣鳥養羞。

此記酉月之候。盲風。疾風也。孟春言鴻鴈來。自南而來北也。此言來自北而來南也。仲春言玄鳥至。此言歸。明春來而秋去也。羞者所美之食。養羞者。藏之以備冬月之養也。

天子居總章太廟。乘戎路。駕白駱。載

白旂。衣白衣服。白王。食麻與太。其器

廉以深。

總章太廟。西堂當太室也。

是月也。養衰老。授几杖。行糜粥飲食。

月至四陰。陰已盛矣。時以陽衰陰盛為秋。人以陽衰陰盛為老。養衰老順時令也。几杖所以安其身。飲食所以養其體。行猶賜也。糜即粥也。

乃命司服具飭衣裳。文繡有恒。制有小大。度有長短。衣服有量。必循其故。冠帶有常。

司服官名。具飭條具而飭正之也。上曰衣。下曰裳。衣繪而裳繡。祭服之制也。有恒有定制也。小大。小則玄冕之一章。大則衮冕之九章也。長短。謂衣長而裳短也。衣服。謂朝服燕服及他服之當為寒備者也。各有劑量。必率循故法。不得更為新異也。冠與帶亦各有常制。

因造衣
并作之

乃命有司申嚴百刑。斬殺必當。去聲毋

或枉撓。女教反枉撓不當。反受其殃。

刑罰之令。前月已行。此月又申戒之也。枉撓皆屈曲之義。謂不申正理而違法斷之以逆理。故必反受殃禍也。

是月也。乃命宰祝循行。去聲犧牲視全

具。按芻豢。瞻肥瘠。察物色。必比類量

小大。視長短。皆中度。五者備當。去聲上

帝其饗

宰。主牲者祝。告神者全。謂色不雜。其謂體無損也。養牛羊曰芻。養犬豕曰豢。得其養則肥。失其養則瘠。物色或騂或陽。祀用騂牲。陰祀用陽牲。比類者比附陰陽之類而用之也。小大以體言。長短以角言。皆欲中法度也。所視所察所瞻所察所量。五者悉備而當於事。上帝且欲饗之矣。况羣神乎。

天子乃難。以達秋氣。以犬嘗麻先。

薦寢廟

季春命國難。以畢春氣。此獨言天子難者。此為除過時之陽暑。陽者君象。故諸侯以下不

得難也。暑氣退，則秋之涼氣通達，故云以達秋氣也。

是月也。可以築城郭，建都邑，穿竇，窒

教，脩囷倉。

四者皆為歛藏之備。穿地圓曰竇，方曰窖。

乃命有司趨，促民收歛，務畜蓄，菜多

積，恣聚。

孟秋已有收歛之命矣。此又趨之，以時不可緩故也。菜所以助穀之不足，故蓄之為備多。積聚者，凡可為歲備者，無不貯儲也。

備者無不貯儲也

乃勸種

去聲

麥毋或失時其有失時行

罪無疑

麥所以續舊穀之盡而及新穀之登
左利於民故特勸種而罰其惰者

是月也日夜分雷始收聲蟄蟲坏培

戶殺氣浸盛陽氣日衰水始涸

坏益其蟄穴之戶使通胡處稍小至寒甚乃
堦塞之也水本氣之所為春夏氣至故長秋

冬氣返故涸也

日夜分則同度量平權衡正鈞石角

斗甬

此與仲
春同

是月也。易關市。來商旅。納貨賄。以便
民事。四方來集。遠鄉皆至。則財不匱。
上無乏用。百事乃遂。

朱氏曰。關者。貨之所入。市者。貨之所聚。易謂
無重征。以致其難也。易關市。所以來商旅。貨
謂化之。以為利。賄。謂有之。以為利。來商旅。所
以納貨。賄也。凡此皆以便民用也。四方散而
不一。故言來集。遠鄉邈而在外。故言皆至。此
言貢賦職脩也。財所以待用。財不匱。則無乏

用也。用所以作事。無
乏用。則事皆遂也。

凡舉大事。毋逆大數。必順其時。慎因

其類

大事。如土功徭役。合諸侯舉兵衆之事。皆不
可悖陰陽之大數。因。猶依也。如慶賞者。乃發
生之類。刑罰者。乃肅殺之類。必
順時令。而謹依其類以行之也。

仲秋行春令。則秋雨不降。草木生榮。

國乃有恐

浙

卯木之氣所應也。卯中有房心。心為
大火。故不雨。且有火訛之驚恐也。

行復令。則其國乃旱。蟄蟲不藏。五穀

復扶又生

午火之氣所傷也

行冬令。則風災數朔起。收雷先行。草

木蚤死

子水之氣所泄也。收雷收聲之雷也。先行先期而動也。

季秋之月。日在房。昏虛中。旦柳中

房在卯。大火之次也。

其日庚辛。其帝少皞。其神蓐收。其蟲
毛。其音商。律中無射。亦其數九。其味
辛。其臭腥。其祀門。祭先肝。

無射。戊律。長四寸六分。五厘六
十一分寸之六。千五百二十四

鴻鴈來賓。爵入大水為蛤。古答鞠有

黃華。花。豺乃祭獸。戮禽。

此記戌月之候。鴈以仲秋先至者為主。季秋
後至者為賓。如先登者為主人。從之以登者
為客也。爵為蛤。飛物化為潛物也。鞠色不一。
而專言黃者。秋令在金。金自有五色。而黃為

貴。故鞠色以黃為正也。祭獸者，祭之於天。戮禽者，殺之以食也。禽者，鳥獸之總名。鳥不可曰獸，獸亦可曰禽。故鸚鵡不曰獸而曰禽，通曰禽也。

天子居總章右个。乘戎路，駕白駱，載白旂，衣白木服，白玉食，麻與犬。其器廉以深。

總章右个。西堂北偏也。

是月也，申嚴號令，命百官，貴賤無不務內，以會天地之藏，無有宣出。

務內。謂專務收歛諸物於內會合也。
合天地閉藏之令也。宣出則悖時令。

乃命冢宰。農事備收。舉五穀之要藏。

帝籍之收於神倉。祗敬必飭。

農事備收。百穀皆歛也。要者。租賦所入之數。
籍田所收。歸之神倉。將以供粢盛也。祗。謂謹

其事。敬。謂一其心。
飭。謂致其力也。

是月也。霜始降。則百工休。乃命有司

曰。寒氣總至。民力不堪。其皆入室。

總至。疑聚
而至也。

上下命樂正入學習吹去聲

吹主樂聲而言

是月也大饗帝。句嘗。句犧牲告備于

天子

仲夏大雩。祈也。此月大饗。報也。饗嘗皆用犧牲。仲秋已視全且至此則告備而後用焉。

合諸侯制百縣為去聲來歲受朔日與

諸侯所稅於民輕重之法。貢職之數

以遠近土地所宜為度。以給郊廟之

事無有所私

石梁王氏曰。合諸侯制百縣。注云。合諸侯制絕句。不可從。○劉氏曰。合諸侯者。總命諸侯之國也。制。猶敕也。百縣。諸侯所統之縣也。天子總命諸侯。各敕百縣。為來歲受朔日與稅法貢數。各以道路遠近。土地所宜。為度。以給上之事。而不可有私也。言郊廟者。舉其重也。蓋朔日與稅貢等事。皆天子總命之諸侯。而諸侯頒之百縣。使奉行也。舊說秦建亥。此月為歲終。故行此數事者。得之。或疑是時。秦未并天下。未有諸侯百縣。此仍是古制。愚按。呂不韋相秦十餘年。此時已有必得天下之勢。故大集群儒。損益先王之禮。而作此書。名曰春秋。將欲為一代興王之典禮也。故其間亦多有未見與禮經合者。又按昭襄王之時。封

魏冉穰侯。公子市宛侯。惺鄧侯。則分封諸侯。行王者事久矣。不常作相時。已滅東周君。六國削甚。秦已得天下大半。故其立制欲如此也。其後徙死。始皇并天下。李斯作相。盡廢先王之制。而呂氏春秋亦無用矣。然其書也。亦當時儒生學士有志者所為。猶能彷彿古制。故記禮者有取焉。

是月也。天子乃教於田獵。以習五戎。

班馬政

教於田獵。謂因獵而教之。以戰陳之事。習用弓矢。及矛戈戟之五兵。班布乘馬之政令。其毛色之同異。力之強弱。各以類相從也。

命僕及七駟咸駕載旌旄授車以級
整設于屏外司徒搢扑北面誓之

僕戎僕也天子馬有六種各一駟主之并總
主六駟者為七駟也皆以馬駕車又載析羽
之旌龜蛇之旄既畢而授車于乘者以尊卑
為等給各使正其行列向背而設于軍門之
屏外於是司徒搢扑于帶於陳前北面誓戒
之此時六軍皆向南而陳也扑即夏楚二物
也周禮戎僕
中大夫二人

天子乃厲飾執弓挾子協矢以獵命
主祠祭禽于四方

天子戎服而嚴厲其威武之飾。親用弓矢以殺禽獸。蓋奉祭祀之物。當親殺也。獵竟則命典祀之官。取獵地所獲之獸。祭於郊。以報四方之神。禽者。獸之通名也。

是月也。草木黃落。乃伐薪為炭。

備禦寒也

蟄蟲咸俯。在內皆墜。覲其戶。

俯。垂頭也。內。穴之深處也。墜。塞也。

乃趣。促獄刑。毋留有罪。

刑於罪。相得即決之。留而不決。亦停時令也。

收祿秩之不當。供去聲養去聲之不宜者。

收。如漢法收印綬之收。謂索之使還。各依本等祿秩。不當。謂不應得而恩命濫賜之者也。供養。膳服之具也。貴賤各有宜用。不宜。謂侈僭踰制者。此亦順秋令之嚴肅也。

是月也。天子乃以大嘗稻。先薦寢廟。

季秋行夏令。則其國大水。

未中東井主之

冬藏殃敗

竇窖之藏為水所侵

浙

民多齟 求嚏帝

未土之氣所應也。齟者氣窒於鼻。嚏者聲發於口。皆肺疾。以夏火克金。故病此也。

行冬令。則國多盜賊。邊竟境不寧。土

地分裂

丑土之氣所應也。裂。拆也。

行春令。則煖風來至。民氣解。懈惰。師

興不居

辰土之氣所應也。不居。不得止息也。

浙

圖

孟冬之月。日在尾。昏危中。旦七星中。

尾在寅。析木之次也。七星。見季春。

其日壬癸。其帝顓頊。其神玄冥。其蟲介。其音羽。律中應鍾。其數六。其味鹹。其臭朽。其祀行。祭先賢。

顓頊。黑精之君。玄冥。水官之臣。少皞氏之子。曰脩。曰熙。相代為水官。左傳云。脩及熙為玄冥。是也。介。甲也。介蟲龜為長。水物也。羽音屬水。應鍾。亥律。長四寸二十七分寸之二。水成數六。鹹。朽。皆水屬。水受惡穢。故有朽腐之氣也。行者。道路往來之處。冬。陰往而陽來。故

祀行也。春夏秋皆祭先所勝。冬當先心。以中央祭心。故但祭所屬。又以冬主靜。不尚克制。故也。○蔡邕獨斷曰。行冬為太陰。盛寒為水。祀之於行。在廟門外之西。較壤厚二尺。廣五尺。輪四尺。北面。設主於較上。

水始冰。地始凍。雉入大水為蜃。虹藏

不見現

此記亥月之候。蜃。蛟屬。此亦飛物化潛物也。晉武庫中。忽有雉。雉。張華曰。此必蛇化為雉也。開視雉側。果有蛇。蛇。類書有言。雉與蛇交而生子。子必為蜃。不皆然也。然則雉之為蜃。理或有之。陰陽氣交而為虹。此時陰陽極平。辨。故虹伏。虹非有質而曰藏。亦言其氣之

伏耳

天子居玄堂左个

北堂之西偏也

乘玄路駕鐵驪

鐵色之馬

載玄旂衣黑衣

黑深而玄淺如朱深而赤淺也

服玄王。食黍與絜其器闕以奄

浙江圖書館

閔者中寬。
奄者上窄。

是月也。以立冬。先立冬三日。太史謁
之。天子曰。某日立冬。盛德在水。天子
乃齋。立冬之日。天子親帥三公九卿
大夫。以迎冬於北郊。還反。賞死事。恤
孤寡。

死事。爲國事而死也。孤寡。即死
事者之妻子。不言諸侯。與夏同。

是月也。命太史。釁龜策。句占兆。句審

卦吉凶

馮氏曰。釁龜筮者。殺牲取血而塗龜與著筮也。古者器成而釁以血。所以攘卻不祥也。占兆者。玩龜書之繇文。審卦者。審易書之休咎。皆所以豫明其理而待用也。釁龜而占兆。釁筮而審卦。吉凶。太史之職也。

是察阿黨。則罪無有掩蔽。

獄吏治獄。寧無阿私。必是正而省察之。庶幾犯罪者。不至掩蔽其曲直也。

是月也。天子始裘。

周禮季秋獻功裘。至此月乃衣之也。

命有司曰。天氣上騰。地氣下降。天

地不通。閉塞而成冬。

不交則不通。不通則閉塞。

命百官謹蓋。命有司循行去聲積聚。

無有不歛。

申嚴仲秋。積聚之令。

坏城郭。戒門閭。脩鍵蹇。閉慎管籥。

坏補其缺薄處也。城郭欲其厚實。故言坏。門閭備禦非常。故言戒。鍵鎖須也。閉鎖筒也。管籥。

籥鎖是也。鍵閉或有破壞。故云脩管籥不可妄開。故云慎。

固封疆備邊竟境完要塞先代謹關

梁塞溪奚徑

要塞邊城要害處也。關境上門。梁橋也。溪徑野獸往來之路也。

飭喪紀辨衣裳審棺槨之厚薄塋丘

龍之大小高卑句厚薄之度貴賤之

等級

飭喪紀者。飭正喪事之紀律也。即辨衣裳以下諸事是已。上衰下裳以布之精麤為親疎。

故曰辨亦謂襲歛之衣數多寡也棺槨厚薄有貴賤之等坐有大小丘壟有高卑皆不可踰越厚薄之度主禮而言貴賤之等級主人而言故總曰審○朱氏曰喪者人之終冬者歲之終故於此時而飭喪紀焉

是月也命工師效功陳祭器按度程毋或作為淫巧以蕩上心必功致緻為上物勒工名以考其誠功有不當去聲必行其罪以窮其情

工師百工之長效呈也諸器皆成獨主祭器祭器尊也度法也程式也淫巧指諸器而言

致讀為緻。謂功力密緻也。一讀如字亦通。勒刻也。刻名於器以考工人之誠偽也。行猶治也。窮其情者。究詰其詐偽之情也。

是月也。大飲烝。

書

因烝祭而與羣臣大為燕飲也。舊說烝升也。此乃饗禮升牲體於俎上。謂之房烝。未知是

天子乃祈來年于天宗。大割祠于公社及門閭。臘先祖五祀。勞去聲農以休息之。

禮記卷之六
天宗日月星辰也。割祠。割牲以祭也。社以上
公配祭。故云公社。又祭及門閭之神也。臘之
言獵。以田獵所獲之物而祭先祖。及五祀之
神。故曰臘也。又蔡邕云。夏曰清祀。殷曰嘉平。
周曰蜡。秦曰臘。然左傳言虞不臘。是周亦名
臘也。勞農。即周禮黨正屬民飲酒之禮也。

天子乃命將帥講武。習射。御角力。

以仲冬
大閱也

是月也。乃命水虞漁師。收水泉池澤
之賦。毋或敢侵削衆庶兆民。以爲天
子取怨于下。其有若此者。行罪無赦。

水虞澤虞也。漁師漁人也。見
周禮。水冬涸。故以冬時收賦。

孟冬行春令。則凍閉不密。地氣上上聲

泄。民多流亡。

寅木之氣
所泄也

行夏令。則國多暴風。方冬不寒。蟄蟲

復出。

巳火之氣
所損也

行秋令。則雪霜不時。小兵時起。土地

侵削

申金之氣
所淫也

仲冬之月。日在斗。昏東辟。壁中。日軫中。

斗在丑。星
紀之次也

其日壬癸。其帝顓頊。其神玄冥。其蟲
介。其音羽。律中黃鍾。其數六。其味鹵。
其臭朽。其祀行。祭先腎。

黃鍾。子律。
長九寸

水益壯。地始圻。鶡旦不鳴。虎始交。

此記子月之候。鶡旦。夜鳴求旦之鳥也。

天子居玄堂太廟。乘玄路。駕鐵驪。載玄旂。衣黑衣服。玄王。食黍與菽。其器

閔以奄。

玄堂太廟。比堂當太室也。

飭死事。

誓戒六軍之士。以戰陳當厲必死之志也。

命有司曰。土事毋作。慎毋發蓋。毋發
室屋。及起大衆。以固而閉。

順閉藏之令。以安伏蟄之性也。固。堅也。而。猶
其也。周禮仲冬教大閱。此言毋起大衆。是誠
呂氏之
書矣。

地氣沮泄。是謂發天地之房。諸蟄

則死。民必疾疫。又隨以喪命之曰暢

月

沮者。壞散之義。因破壞而宣泄。故云沮泄也。
天地之閉固氣類。猶房室之安藏人也。若發

散天地之所藏。則諸蟄皆死。是干犯陰陽之令。疾疫必為民災。喪禍隨之。而見一說。喪讀去聲。謂民因避疾疫而逃亡也。暢月未詳。舊說暢。克也。言所以不可發泄者。以此月萬物皆克。實於內故也。朱氏謂陽久屈而後伸。故云暢月也。朱知孰是。

是月也。命奄尹申宮令。審門閭。謹房室。必重閉。省婦事。毋得淫。雖有貴戚近習。毋有不禁。

奄尹。羣奄之長也。以其精氣奄閉。故名。閹人宮令。宮中之政令也。重閉。內外皆閉也。減省婦人之事務。順陰靜也。淫。謂女功之過巧者。貴戚。天子之族姻。近習。其嬖幸者。

乃命大酋擊秣稻必齊。麴蘖必時。湛

火熾必潔。水泉必香。陶器必良。火齊

去聲必得。兼用六物。大酋監反古之毋

有差貸二

大酋。酒官之長也。秣。稻。酒材也。必齊。多寡中

度也。必時。製造及時也。湛。漬而滌之也。熾。蒸

炊也。必潔。無所污也。必香。無穢惡之氣也。必

良。無罅漏之失也。必得。適生熟之宜也。物事

也。六物。謂必齊以下六

事。差貸。不中法式也。

天子命有司祈祀四海大川名源淵

澤井泉

冬令方中。水德至盛。故為民祈而祀之也。

是月也。農有不收藏積聚者。馬牛畜

獸有放佚者。取之不誥。

起吉反。

取之不誥。罪在不收斂也。

山林藪澤。有能取蔬食。田獵禽獸者。

野虞教道之。其有相侵奪者。罪之不

赦。

罪之不赦。惡其不相共利也。

是月也。日短至。陰陽爭。諸生蕩。

短至。短之極也。陰陽之爭。與夏至同。諸生者。萬物之生機也。蕩者。動也。

君子齋戒。處必掩身。身欲寧。去聲色。禁者欲安。形性事欲靜。以待陰陽之所定。

此皆與夏至同。而有謹之至者。彼言止聲色。而此言去彼言節者欲。而此言禁。蓋仲夏之陰猶微。而此時之陰猶盛。陰微則盛陽未。至於甚傷。陰盛則微陽當在於善保故也。

芸始生。荔挺出。蚯蚓結。麋角解。水泉

動。

此又言子月之候。芸與荔挺皆香草。結猶屈也。解脫也。水者天一之陽所生。陽生而動。言枯涸者漸滋發也。十二月惟子午之月。皆再記其候者。詳於陰陽之萌也。

日短至。則伐木取竹箭。

陰盛則材成。故伐而取之。大曰竹。小曰箭。

是月也。可以罷官之無事。去器之無

用者。

官以權宜而設。器以權宜而造。皆暫
焉之事。此閉藏休息之時。故可罷去。

塗闕廷。明間築。因圉。此以助天地之

閉藏也。仲冬行夏令。則其國乃旱。

火氣乘之。
應於來年。

氛霧宜其

亦火氣
所蒸

雷乃發聲

陰不能困陽也。午
火之氣所克也。

浙江圖書

行秋令。則天時雨。去聲。汁。執。瓜瓠不成。

雨雪雜。下曰汁。

國有大兵。

酉金之氣。所淫也。

行春令。則蝗蟲為敗。水泉咸竭。

卯中大火。之所主也。

民多疥癩。

卯木之氣。所泄也。

季冬之月。日在婺女。昏婁中。旦氏中。

女在子。玄
楞之次也

其日壬癸。其帝顓頊。其神玄冥。其蟲
介。其音羽。律中大呂。其數六。其味鹹。
其臭朽。其祀行。祭先賢。

大呂。丑律。長八寸二
四十三分寸之百四

鴈北鄉。

去

鵲始巢。

去

雉雊。

去

雞乳。

去

此記丑
月之候

天子居玄堂右个。乘玄路。駕鐵驪。載玄旂。衣黑衣服。玄王食黍與彘。其噐閔以奄。

玄堂右个。北堂東偏也。

命有司大難。那旁磔。出土牛。以送寒

氣。

季春惟國家之難。仲秋惟天子之難。此則下及庶人。又以陰氣極盛。故云大難也。旁磔。謂四方之門皆披磔其牲。以攘除陰氣。不但如季春之九門磔攘而已。舊說此月日經虛危。

圖

書

司命二星在虛北。司祿二星在司命北。司危二星在司祿北。司中二星在司危北。此四司者。鬼官之長。又墳四星在危東南。墳墓四司之氣。能為厲鬼。將來或為災厲。故難磔以攘除之。事或然也。出猶作也。月建丑。丑為牛。土能制水。故特作土牛以畢送寒氣也。

征鳥厲疾

征鳥。鷹隼之屬。以其善擊。故曰征。厲疾者。猛厲而迅疾也。

乃畢山川之祀。及帝之大臣。天之神

祗

帝之大臣。謂五帝之佐。句芒祝融之屬也。孟冬言祈天宗。此或司中司命風師雨師之屬。

歟

是月也。命漁師始漁。天子親往。乃嘗

魚。先薦寢廟。

獵而親殺。為奉祭也。則漁而親往。亦為薦先歟。

冰方盛。水澤腹堅。命取冰。冰以入

冰之初凝。惟水面而已。至此則徹上下皆凝。故云腹堅。腹猶內也。藏冰正在此時。故命取水。冰入則陰事之終也。

令告民出五種。命農計耦耕事。脩

耒耜具田器

冰入之後。大寒將退。令典農之官。告民出其
所藏五穀之種。計度耨耕之事。耨謂二人相
偶也。操木為耒。斲木為耜。今之耜以鐵為之。
田器。鐵基之屬。凡治田所用者也。此皆豫備
東作之事。陽
事之始也。

命樂師大合吹而罷

鄭氏曰。歲將終。與族人大飲。作樂於太寢。以
綴恩也。王居明堂禮。季冬。命國為酒。以合三
族。○疏曰。此用禮樂於族人最盛。後年季
冬。乃復如此。作樂以一年頓停。故云罷。

乃命四監收秩薪柴。以共供郊廟。

百祀之薪燎

四監說見季夏秩常也。謂有常數也。大而可
辨者謂之薪。小而束者謂之柴。薪燎。炊爨及
夜燎之用也。

是月也。日窮于次。月窮于紀。星回于

天。數將幾終。歲且更始。

日窮于次者。去年季冬次玄枵。至此窮盡。還
次玄枵也。紀。會也。去年季冬月與日相會於
玄枵。至此窮盡。還復會于玄枵也。二十八宿
隨天而行。每日雖周天一匝。而早晚不同。至
此月而復其故處。與去年季冬早晚相似。故
云回于天也。幾。近也。以去年季冬至今年季

冬。三百五十四日。未滿三百六十五日。不為正終。故云幾於終也。歲且更始者。所謂終則有始也。

專而農民毋有所使

而汝也。在上者當專壹汝農之事。毋得徭役使之也。

天子乃與公卿大夫共飭國典論時

令以待來歲之宜

朱氏曰。國典有常。飭之以應來歲之變。時令有序。論之以防來歲之差。歲既更始。故事亦有異宜者。

乃命太史次諸侯之列。賦之犧牲，以
共皇天上帝社稷之饗。

列。謂大小
之等差也。

乃命同姓之邦。共寢廟之芻豢。

人本乎祖。故祖廟之
牲。使同姓諸侯供之。

命宰歷卿大夫至于庶民土田之數。
而賦犧牲。以共山林名川之祀。

歷者。序次其
多寡之數也。

凡在天下九州之民者。無不咸獻其力。以共皇天上帝社稷寢廟山林名川之祀。

禮有五經。莫重於祭。故也。

季冬行秋令。則白露蚤降。介蟲為妖。

四鄙入保。

畏介蟲為兵之象也。戌土之氣所應。

行春令。則胎夭多傷。

胎未生者。
天方生者。

國多固疾

固。謂久而不差。
辰土之氣所應。

命之曰逆

以歲終而行
歲始之令也

行夏令。則水潦敗國。時雪不降。冰凍

消釋

火奪水之令也。
未土之氣所應。

浙王圖書館

禮記集說卷之六

浙江圖書館



浙江圖書館

浙江圖書館善本


















甲登記號：027411

一九 年 月 日



浙江圖書館














colorchecker CLASSIC



x-rite



colorchecker CLASSIC



x-rite

100mm

浙江圖書館